

綫裝書局

高麗大藏經



韓國海印寺藏原本

高麗大藏經

綫裝書局影印

B941
4
70

第七〇册目次

法苑珠林 一百卷(二) 唐道世撰

法苑珠林卷第十九 總三卷 七百

西明寺沙門釋道世撰

敬僧篇第八 此有四部

述意部 引證部

敬益部 違損部

述意部第一

夫論僧寶者謂禁戒守具威儀出俗圖方外以發心弃世間而立法官禁無以勤其意親屬莫能累其想知道以報四恩育德以資三有高超人天重逾金玉稱爲僧也。是知僧寶利益不可稱紀。故經曰：縱有持戒破戒若長若幼皆須深敬不得輕慢。若違斯言文獲重罪。若待太公爲卿相則千載無太公要得羅什爲師訓則萬代無羅什。何得見一僧行過止累佛宗見一人戒虧便輕。上法止可以道廢人以人不知道也不可以人廢道。以道是人師也。故釋迦佛等是真佛寶金口所說理行效果是真法寶得果沙門是真僧寶。致令一瞻一禮萬累冰消一讚一稱千災霧卷。自惟薄福

◎法苑珠林

不逢正化賴家遺迹幸承餘蔭金檀銅素漆紵丹青圖像聖容名爲佛寶

紙絹竹帛書寫玄言名爲法寶。剃髮染衣執持應器名爲僧寶。此之三種體相雖假用表具容敬之永絕長流。幾之常招苦報如木非親母禮則響逸千齡。凡非聖僧敬則光逾萬代。是知斯風已扇遐邇共遵真義。真含識神功因測儻有所虧猶罪彌大。既許出家理宜革俗如宋朝無識初信邪惑駭動物情道俗驚怪後悟鍾璽還申禮敬宋室則荆蠻蠶穀江漢崎嶇詐得反比大國金輪聖御且如禮云介者不拜爲失豈同去俗之人身被忍鎖握節白衣理所不可三寶既同義須齊敬不可偏遵佛法頻并僧尼故法不自弘弘之在人能弘道故須齊敬也

引證部第二

如梵網經云：出家人法不合禮拜國王父母六親亦不敬事鬼神。又涅槃經云：出家人不禮敬在家人。又四分律云：佛令諸比丘長幼相次

禮拜不應禮拜一切白衣

又佛本行經云：輪頭檀王與諸眷屬百官次第禮佛。已佛言：王今可禮優婆塞比丘等。諸比丘至聞佛教即從座起頂禮五百比丘。諸出家者次第而禮。

又薩遮尼乾經云：若謗聲聞辟支佛法及大乘法毀咎留難者犯根本罪。今僧依大小乘經不拜親是奉佛教今乃令禮反違佛教。戒釋義俗人即不信佛謗故犯根本罪也。

又順正理論云：諸天神衆不敢希求受五戒者。禮如國君主亦不求比丘禮拜。以懼損功德及壽命故。又涅槃經云：佛告迦葉若有建立護持正法如是之人應從唐請當捨身命而供養之。如我於是大乘經說有知法者若老若少故應供養恭敬禮拜。猶如事火婆羅門等有知法者若老若少故應供養恭敬禮拜。亦如諸天奉事帝釋迦葉白佛言：若有長宿護持禁戒從年少邊諮受未聞云何是人當禮敬不若當禮敬是則不名爲持戒也。若

第七〇冊

是年少護持禁戒從諸宿舊破戒人邊諮受未聞復應禮不若出家人從在家人諮受未聞復當禮不然出家人不應禮敬在家人也然佛法中年少幼小應當恭敬者舊長宿以是長宿先受具戒成就威儀是故應當恭敬供養

又中阿含經云云何知人勝所謂比丘知有二種人有信有不信若信者勝不信者為不如也謂信人復有二種有數往見比丘立有不數往見比丘若數往見比丘者勝不數往見比丘者為不如也謂數往見比丘人復有二種有禮敬比丘立有不禮敬比丘若禮敬比丘者勝不禮敬比丘者為不如也謂禮敬比丘人復有二種有問經有不問經若問經者勝不問經者為不如也又舊雜譬喻經云昔有國王出游每見沙門輒下車禮道人言大王止不得下車王言我上不下所以言上不下者今我為道人作禮壽終已後當生天上是故言上不下也又美見律云輸頭檀那王禮佛已白

佛言我今三度禮如來足一佛初生時阿夷相曰若在家者應作轉輪聖王若出家學道必得成佛是時地為震動我見神力即為作禮第二我出遊戲有耕田人菩薩在閭浮樹下日時已晡樹影停住不移覆菩薩身我見神力即為作禮第三今迎佛至國佛升虛作十八變如伏外道神力無異即為作禮

又中阿含經云今時世尊告諸比丘過去世時釋提桓因欲入園觀時勅御者令嚴駕千馬之車嚴駕以竟唯王知時天帝釋即下常勝殿東向合掌禮佛今時御者見則心驚毛豎馬鞭落地帝釋見已即說偈言

鬼汝何憂怖
馬鞭落於地
御者說偈白帝釋言

見王天帝釋
為舍脂之夫
所以生恐怖
馬鞭落地者
常見天帝釋
一切諸大地
人天大小三
及四護世主
三十三天眾
悉皆恭敬禮
何處更有尊
尊於帝釋者

而今正東向
合掌修敬礼

今時帝釋說偈答言

我實於一切
世間大小王
及四護世王
三十三天眾
最為其尊主
故悉來恭敬
而復有世間
隨順等正覺
名號滿大師
故我稽首禮
御者復自言
故使天王釋
是必世間勝
東向稽首禮
恭敬而合掌
天王所禮者
我今亦當禮

佛告諸比丘彼天帝釋為自在王尚恭敬佛法等比丘出家學道亦應如是恭敬於佛彼天帝釋舍脂之夫敬禮法僧亦復讚歎禮法僧者汝等已能正信出家學道亦當復讚歎禮法僧者

今時帝釋從常勝殿來下周向諸方合掌恭敬時御者見天帝釋從殿來下住於中庭周向諸方合掌恭敬見已驚怖馬鞭復落地而說偈言

何故驚尸迦
故重於非家
為我說其義
飢渴願欲聞

法苑珠林卷第十九 第七 魏 國

時天帝釋說偈答曰

能出非家者

我正恭敬彼

不計其行止

自在游諸方

不能自其心

城邑國土色

一往無欲定

不畜資生具

唯無為為樂

往則無所求

不言則寂定

言則定善言

各各共相違

諸天阿脩羅

相違亦如是

人間自共諍

於諸諍無諍

唯有出家者

放捨於刀杖

於一切衆生

不醉亦不荒

於財離財色

是故敬禮彼

遠離一切惡

是時御者復說偈言

是時御者復說偈言

是必世間勝

天王之所敬

當禮出家人

故我從今日

又普達王經云時有夫延國王號名

普達典領諸國四方貢獻王身奉佛

法未嘗偏枉常有慈心愍傷愚民不

知三尊每當齋戒輒登高觀燒香還頭

著地稽首為禮國中目民怪王如此

自共議言王處萬民之尊遠近敬伏

發言人從有何情欲毀辱威儀而面

目下使嚴駕當行王即與吏民數千

人始出宮未遠忽見一道人王便下

車却蓋住其群從頭面著地為道人

作禮尋從而還施設飲食遂不成行

群目於是乃諫言大王至尊何宜於

道路為此乞丐道人頭面著地天下

尊貴唯有頭面加為國主不與他同

王便勅目下今求死人頭及牛馬猪

羊頭目下即徧行求索歷日乃得還

白王言前被教求死人頭及六畜頭

今悉已得王言於市賣之目下即使

人賣之牛馬猪羊頭等皆售但人頭

未售王言賤貴賣之趣使其售如其
不售便以丐人如是歷日賣既不售
丐人又不取者頭皆腫脹臭處不可
近之王便大怒語目下言卿曹前諫
言人頭最貴不可毀辱頭面著地禮
道人今使賣六畜頭皆售人頭何故
丐人無取者王即勅目下嚴駕當出
到城外曠野澤中王有所問群目人
民莫不振悚王即告群目言卿寧識
吾先王時有小兒常執持蓋者不目

法苑珠林卷第十九 第七 魏 國

下對曰實識有之王言今此小兒何

所在對曰亡已久遠乃歷十七年王言

此兒為人善惡何如對言目等常親

其承事先王齋戒恭肅誠信自守非

法不言王告諸目今若見此兒在時所

著衣服寧識之不諸目對曰雖自久

遠目故識之王願使從急還內藏取

前亡兒衣來須更衣至曰此是不對

目實是其衣王曰今僕見兒身為識

之不目下皆默然良久目自弊聞幸親

不別王始欲說本前見道人來到王

所王大歡喜起頭面著地為道人作

禮目下莫不歡喜道人就座王叉手

具白前緣今故嚴出欲示本末願為

此國目民開導愚癡令知真法道人

即為目下說王本變欲知王者本是

先王持蓋小兒常隨先王齋戒一日

不犯其後過世魂神遷生為王太子今致

尊貴皆由宿行目下大小莫不僉然

曰吾等幸遇得親道人願遂哀愍乞

為弟子道人告言我師號曰佛身具

足相好獨步三界教授不虛佛今去此

乃六千里須臾頃道人飛到舍衛

◇高麗大藏經◇

法苑珠林卷第九 第七 經一

國具以啓佛彼國人民甚可憐傷今皆誠心願欲見佛唯垂大慈開示具道佛便許可明日到夫延國佛爲王及目民等說法去欲知普達王及道人本末不阿難言願聞其事佛言乃

昔摩訶文佛時王爲大姓家子其父供養三尊父命子傳香時有一侍使意中輕之不與其香罪福響應故獲其殃雖暫爲驅使奉法不妄今得爲王道人本是侍使時不得香人雖不得香其意無恨即立誓言若我得道當度此人福願果合今來度王并及人民王聞佛說其本末意解即得須陀洹國中人民聞經皆受五戒十善以爲常法

又阿育王經云昔阿恕伽王見一七歲沙彌將至屏處而爲作禮語沙彌言莫向人道我禮汝時沙彌前有一澡瓶沙彌即入其中從澡瓶中復還來出而語言王慎莫向人道沙彌入澡瓶中復還來出王即語沙彌言我當現向人說不復得隱是以諸經皆云沙彌雖小亦不可輕王子雖小亦不可

法苑珠林卷第九 第七 經一

輕龍子雖小亦不可輕沙彌雖小能度人王子雖小能殺人龍子雖小能興雲由興雲故致雷雨電霹靂感其所小而不可輕也

又付法藏經云昔佛涅槃一百年後有阿育王信敬三寶常作般遮于瑟大會王至會日香湯洗浴著新淨衣上高樓上四方頂禮遙請衆僧聖衆飛來凡二十萬王之信心深遠難量見諸沙門若長若幼若凡若聖皆迎問訊恭敬禮拜時有一目名曰夜奢邪見熾盛無信敬心見王禮拜而作是言王甚無智自屈貴德禮拜童幼王聞是已便勅諸目各遣推覓自死百獸人仰一頭唯使夜奢獨求人首得已各勸詣市賣之餘頭悉售夜奢人頭見者惡賤都無買者數日欲臭衆人見已咸共罵辱而語之言汝今非是胡陀羅人夜叉羅刹去何乃捉死人頭賣夜奢今時被罵辱已來詣王所而自王言目賣人頭反被罵辱尚無欲見況有買者王復語言若無買者但當虛與夜奢奉教重賣入市唱告

法苑珠林卷第九 第七 經一

衆人無錢買者今當虛與市人聞已重加罵辱無肯取者夜奢慚愧還至王所合掌白王此頭難售虛與不取反被罵辱況有買者王問夜奢何物最貴夜奢答王人最爲貴王言若貴何故不售夜奢答王人生雖貴死則卑賤王問夜奢吾頭若死同此賤不夜奢惶懼怖不敢對王即語言施汝無畏汝當實答夜奢惶怖使仰答王王頭若死亦同此賤王語夜奢吾頭若死同此賤者汝何怪我禮敬衆僧仰若是吾真善知識宜應勸我以危晚頭易堅固頭如何今日止吾禮拜夜奢余時聞王此語方自悔責改邪從正歸敬三寶以是因緣衆生聞者若見三寶應當至心恭敬禮拜

又四分律云賓頭盧羅漢本是優填王臣由精勤苦行王放出家得阿羅漢果王後每出城參禮寺去城二十里諸佞臣見賓頭不起迎王惡心諫王王於後取佞臣諫危欲殺之賓頭盧見王後來入門便下牀七步迎之王怒曰大德由來難動今避席迎何

耶荅曰王前有好心來故不起迎今懷惡心來若不起迎恐當見殺王歎曰善哉弟子愚慧妄受佞言不識凡聖王請悔過雖免地獄然實頭盧記三由僧起迎故却後七日必失王位恰如依記被他隣國興兵來捉經十二年鎖脚囚禁自外

述曰以是義故特須敬慎不得自高恐損來報比見俗人微受官位不生信心妄起高慢呵罵僧尼種種毀辱或立廳前身處高牀遣人拖牽非理取捷敗善增惡無過此等雖犯王法亦須以理外法雖行內須省愧道俗同凡居住三界未得入聖已來誰之無過然出家之人雖內無實行交現鬚髮身被法服親相生善見者生恭敬破戒僧尼亦能升座種種說法利益群生前人間見修持六度展轉相化因修善行未來生處近得人天速成聖果得此聖已復更展轉利益無窮譬如一燈然百千燈明終不盡重此無盡之法皆由前破戒僧尼說法化功得斯大利既有此益各須自慎

縱欺得百千萬出家之人未能現獲一毫之益唯加惡名流布四海未來生處歷劫受殃故經曰一念之惡能開五不善門如後述之

又雜寶藏經云月氏國王名旃檀羅尼宅聞罽賓國尊者阿羅漢字祇夜多有大名稱思欲相見即與諸目往造彼國於其中路心竊生念言我今為王王於天下一切人民靡不敬伏自非有德何能任我供養作是念已遂便前進彼國有人告尊者言月氏王與諸群目從遠來相見唯願整其衣服共相待接尊者荅言我聞佛語出家之人道尊俗表唯德是務豈以服飾出迎接乎遂便靜默端坐不出於是月氏王至其住處見尊者袈衣多觀其威德倍生敬信即前瞽首却住一面時尊者欲唾月氏國王不覺前進投唾器時尊者即語王言貧道今者未堪為王作福田也胡為躬自枉屈神駕時月氏王深生慚愧我何能令也即便為王略說教法王來時道好去如來時王聞教已即便還

國至其中路群目怨言我等遠從大王往至彼國竟無所聞然空還國時王報言向尊者為我說法來時道好去如來時卿等不解此耶以我往昔持戒布施修造功德以殖王種今奉斯位復修積善當來之世必重受福故誠我言王來時道好去如來時群目聞已稽首謝言目等下愚竊生妄解大王神德妙契玄旨積德所種故享斯位群目歡喜言已而退

又十誦律云尔時世尊說本生因緣語諸比丘過去世時近雪山下有三禽獸共住一鴉鳥二獼猴三象是三禽獸初互相輕慢無恭敬行同作是念我等何為不相恭敬若前生者應供養尊重教化我等尔時鴉鳥獼猴問象言汝念過去何事時是象有大華荻樹象言我小時行此樹在我腹下過象鵲問獼猴言汝憶何事荅言我憶小時坐地捉此樹頭按令到地象語獼猴汝年大我我當敬汝為我說法象獼猴問鴉鳥言汝憶何事荅言彼有大華荻樹我啖其子於此

法苑珠林卷第九 第六 敬

大便乃生斯樹長大如是我所憶
獼猴語鵝汝年大我我當供養汝
當為我說法今時象恭敬獼猴從聽
受法為餘象說獼猴恭敬鵝鳥從聽
受法為餘獼猴說法鵝鳥為餘鵝鳥
說法依四律為略上律奉
身上教處皆行化說法此三禽獸

先喜殺盜淫妄語後相誠止即捨此
過命終皆生天上今時世人見獸廣
行善法不侵人殺各自相誠云畜生
尚能恭敬何況我等今時世人皆相恭
敬奉行五戒命終之後皆得生天佛
語比丘今時鵝者則我身是獼猴者
舍利弗是象者目連是佛言畜生無
知尚相恭敬自利利他何況汝等以信
出家不相尊敬今時世尊即說偈言
若人不敬佛 及佛弟子眾
現世人訶罵 後世情惡道
若人知敬佛 及佛弟子眾
現世人讚歎 後世生天上
佛種種因緣讚歎恭敬法已語諸比
丘從今先受大戒乃至大須更時是
人應先坐先受水先受飲食
敬益部第三

法苑珠林卷第九 第六 敬

如寶性論云三寶有六義故須敬也
一者希有義如世寶物貧窮之人所
不能得三寶如是薄福眾生百千萬
世不能值遇故名為寶二者離垢義
如世真寶體無瑕穢三寶如是絕離
諸漏故名為寶三者勢力義如世珍
寶除貪去毒有大勢力三寶如是具
不思議六神通力故說為寶四者莊
嚴義如世珍寶能嚴身首令身殊好
三寶如是能嚴行人清淨身故故說
為寶五者最勝義如世珍寶諸物
中勝三寶如是一切世中最為殊勝
故名為寶六者不改義如世真金燒
打磨練不能變改三寶如是不為世
間八法所改故名為寶又具六意故
須敬也一佛能誨示法是良藥能傳
通皆利益於我報恩故敬二末代惡
時傳法不易請威加護故須敬三
為物主信眾承敬故四示僧尼敬事
儀式五令樂供養法得父住故敬六
為表勝相故敬故成論云三寶最吉
祥故我經初置
違損部第四

法苑珠林卷第九 第十八 敬

如像法決疑經云乃至一切俗人不
問貴賤不得撻打三寶奴婢畜生及
受三寶奴婢禮拜皆得殃咎故薩遮
尼捷經云若破塔寺或取佛物若教
作助喜若有沙門身著染衣或有持
戒破戒若繫閉打縛或令遠俗或斷
其命若犯如是根本重罪決墮地獄
受無間苦以至國內行此不善諸仙
聖人出國而去大力諸神不護其國
大目諍競四方咸起水旱不調風雨
失時人民飢餓劫賊縱橫疫癘疾病
死亡無數不知自作而怨諸天
又仁王經云國王大臣自恃高貴滅
破吾法以作制法制我弟子不聽出
家不聽造作佛像立統官制等安藉
記錄僧比丘地立白衣高座又國王
太子攝作法制不依佛教因緣破僧
因緣統官攝僧典主僧籍苦相攝持
佛法不久
又大集經云佛言所有眾生於現在
世及未來世應當深信佛法眾僧彼
諸眾生於人天中常得受於勝妙果
報不久當得入無畏城如是乃至供

養一人為我出家及有依我剃除鬚髮著袈裟片不受戒者供養是人亦得功德乃至入無畏城以是緣故我如是說若復有人為我出家不持禁戒剃除鬚髮著袈裟片有非法惱害此者乃至破壞三世諸佛法身報身乃至盈滿三惡道故佛言若有眾生為我出家剃除鬚髮被服袈裟設不持戒彼等意已為涅槃印之所印也若復出家不持戒者有以非法而作惱亂罵辱毀訾以手刀杖打縛斫截若棄衣鉢及奪種種資生具者是人則壞三世諸佛真實報身則拋一切天人眼目是人為欲隱沒諸佛所有正法三寶種故令諸天人不得利益惶惶地獄故為三惡道增長盈滿故余時娑婆世界主大梵天王而白佛言若有為佛剃除鬚髮被服袈裟不受禁戒受已毀犯其刹利王與作惱亂罵辱打縛者得幾許罪佛言大梵我今為汝且略說之若有人於萬億佛所出其身血於意云何是人得罪寧為多不大梵王言若人但出一佛身血得

無間罪尚多無量不可等數墮於阿鼻大地獄中何況具出萬億諸佛身血也然無有能廣說彼人罪華果報唯除如來佛言大梵若有惱亂罵辱打縛為我剃髮著袈裟片不受禁戒受而犯者得罪多彼何以故是人猶能為諸天人示涅槃道是人便已於三寶中心得敬信勝於一切九十五道其人必速能入涅槃勝於一切在家俗人唯除在家得忍辱者是故天人應當供養何況具能受持禁戒三業相應其有一切國王及以群目諸斷事者如其見有於我法中而出家者作大罪業大殺生大偷盜大汙梵行大妄語及餘不善但指出國不聽在寺同僧事業亦不得鞭打亦不應口業罵辱加其身罪若故違法而謫罰者是人便於解脫退落受於下類遠離一切人天善道必定歸趣阿鼻地獄何況鞭打為佛家具持戒者又十輪經云佛言族姓子有四種僧何等為四一第一義僧二淨僧三癡羊僧四無慚愧僧云何名第一義僧

諸佛菩薩辟支及四沙門果是七種人名為第一義僧在家得聖果者亦名第一義僧云何名為淨僧諸有能持具足戒者是名淨僧云何名為癡羊僧不知犯不犯輕重微細罪可懺悔愚癡無智不近善知識不能諮問深義是善非善如是等相名為癡羊僧云何名無慚愧僧若有為自活命來入佛法悉皆毀犯破和合僧不畏後世放縱六情貪著五欲如是人等名為無慚愧僧如是四僧又大悲經云佛告阿難於我法中但使性是沙門汙沙門行自稱沙門形似沙門當有被著袈裟衣者於此賢初彌勒為首乃至最後盧遮如來彼諸沙門如是千佛於無餘涅槃界次第當得入般涅槃無有遺餘何以故如是一切諸沙門中乃至一稱佛名一生信者所作功德終不虛設阿難我以佛智測知法界非不測知阿難所有白葉得白報黑葉得黑報若有淨心諸眾生等作是稱言南無佛者彼人以是善根必定得近涅槃何況值

佛親承供養

法苑珠林卷第十九 第三十二

聖德

又十輪經云佛言若諸比丘依佛法出家一切天人阿脩羅皆應供養若護持戒不應謫罰閉繫則其手足乃至棄命悉無是法若有破戒比丘如敗腹壞非梵行而言梵行退失墮落聖道果證為諸煩惱結使所壞猶能開示一切天龍人非人等無量功德珍寶伏藏是以依我出家若持戒若破戒我悉不聽輪王大臣宰相不得謫罰繫閉加諸鞭杖截其手足乃至斷命況復餘輕犯小威儀破戒比丘雖是死人是戒餘力猶如牛黃是牛雖死人故取之亦如石香死後有用能大利益一切眾生惡行比丘雖犯禁戒其戒勢力猶能利益無量天人譬如燒香香體雖壞重他令香破戒比丘亦復如是自慙惡道能令眾生增長善根以是因緣一切白衣不應侵毀輕蔑破戒比丘皆當守護尊重供養不聽謫罰繫閉其身乃至棄命令時世尊而說偈言

瞻蔔華雖萎

勝於諸餘華

破戒諸比丘

法苑珠林卷第十九

第三十二

聖德

猶勝諸外道

又大集經世尊說偈云

剃頭著袈裟

持戒及毀戒

天人可供養

常令無有乏

如是供養彼

則為供養我

若能為敬法

歸依而剃頭

身著袈裟服

說彼是我子

假使毀禁戒

猶住不退地

若有撻打彼

則為打我身

若有罵辱彼

則為罵辱我

是人心欲滅

正法大明燈

為財共鬪諍

利利同生瞋

又十輪經云譬如過去有三名曰福

德若人有犯罪過乃至繫縛三不欲

棄命將付狂象今時狂象捉其二足

欲撲其地而見此人著赤色衣故狂

象即便安徐置地不敢損傷共對蹲

坐以鼻舐足而生慈心族姓子象是

畜生見涂衣人尚不加惡生於害心

乃至未來世有旃陀羅王見我法中

有人出家堪任法器及不成法器故

作逼惱或奪其命命終之後必墮阿

鼻地獄

頌曰

法苑珠林卷第十九

第三十二

聖德

聖

經行林樹下

求道志能堅

既有神通力

振錫遠乘煙

一燈四弘誓

至道莫能先

不貪曠劫壽

何論延促年

感應緣

略引十緣

魏沙門釋曇始

晉沙門釋道開

晉司空何充弱

晉廬山七領聖僧

晉沙門釋僧朗

晉沙門釋法相

晉沙門釋法安

宋沙門釋慧全

齊沙門釋慧明

神州諸山聖僧

前魏太武時沙門曇始甚有神異常

坐不臥五十餘年足不踣履踐行泥

穢中奮足便淨色白如面俗號曰白

足阿練也至赫連昌破長安不信佛

法刑害僧尼始被白刃不傷由是僧

尼免死昔報太武敬重死十餘年形

色不改

西晉沙門單道開燉煌人出家山居

服練松柏三十年後唯吞小石子行

步如飛不耐人樂幽靜在抱腹山多

年石虎時來自西平日行七百至鄴

而已石氏將未與弟子來律鄴又南羅浮遂卒山舍素彦伯興寧中登山禮其枯骸云

東晉司空何充弱而信法於齋立坐數年以待神聖設會於家道俗甚咸坐中一僧容服垢汙神色低陋自衆升坐拱默而已一堂怪之謂在謬僻充亦不平形於顏色及行中食僧飯於坐事畢提鉢而出堂顧充曰何侯勞精進耶即擲鉢空中凌虛而逝充及道俗目送天際追共惋恨稽悔累旬

右三驗出果高僧傳

晉廬山七嶺同會於東共成峰嶸其崖窮絕莫有升者晉太元中豫章太守范甯將起學館遣人伐材其山見人著沙門服凌虛直上既至則迴身踞其峰良久乃與雲氣俱滅時有採藥數人皆共瞻覩當時能文之士咸爲之興沙門釋曇諦廬山賦曰應真凌雲以踞峯杪翳景而入冥者也晉沙門竺僧朗者戒行明嚴華戎敬異嘗與數人俱受法請行至中途忽告同輩曰君等留寺衣物似有竊者

同侶即反果乃盜焉

晉太元中於奉高縣金興山谷起立塔寺造製形像符堅之末降庠道人唯敬朗一衆不敢毀焉于時道俗信奉每有來者人數多少未至一日輒已送知使弟子爲具必如言果到其谷舊多虎常爲暴害立寺之後皆如家畜鮮卑慕容德以二縣租調充其朝中至今號其谷爲朗公谷云

晉沙門梁法相河東人也常獨山居精苦爲業鳥獸集其左右馴若家獸太山祠大石函以盛財寶相時山行宿于其廟見一人玄衣武冠令相開函言終不見其函石蓋重過千鈞相試提之飄然而開於是取其財寶以施貧民後渡江南住越城寺忽邀游放蕩俳優滑稽或時裸袒干冒朝貴鎮北將軍司馬怙惡其不節招而鴆之頻傾三鍾神氣清怡怙然自若年八十九元興末卒

晉沙門釋法安者廬山之僧遠法師弟子也義熙末陽新縣虎暴甚咸縣有大社樹下有築神廟左右民

居以百數遭虎死者必一兩法安嘗游其縣暮投此村民以懼虎早閉門問且不識法安不肯受之法安徑之樹下坐禪通夜向曉有虎負人而至投樹之北見安如喜如跳伏安前安爲說法授戒虎踞地不動有頃而去至旦村人追死者至樹下見安大驚謂其神人故虎不害自茲以後而虎患遂息衆益敬異一縣士庶略皆奉法後欲畫像山壁不能得空青欲用銅青而又無銅夜夢人迁其牀前云此中有兩銅鍾便可取之安明即掘得遂以成像後遠法師鑄像安送一勸助餘一武昌太守熊無惠借觀之遂留不改宋孝明江陵長沙寺沙門慧遠者本名黃遷即禪師慧印之弟子也印每入定見遠是印之先師雖應爲蒼頭故度爲弟子常寄江陵楊家行般舟勤苦歲餘頗有感變一日十會通見遠身而般舟之處行道如故自剋終日至期果卒久之現形多寶寺僧曇珣曰明年二月二十三日當與天人相迎言已不見珣於是日

法苑珠林卷第九 卷第九

神 十才

設大法會建捨身齋其日苦氣自知
必盡三更中聞空中樂聲香煙甚異
詢曰遠公之契至矣尋介神逝

宋沙門釋慧金涼州禪師也開訓教授
門徒五百有一弟子性頗麤暴全常
不齒後忽自云得三道果全以其無行
永不信許全後有疾此弟子夜來問
訊時戶猶閉如故全頗驚異欲復驗
之乃語明夕更來因密塞窻戶加以
重關弟子中宵而至徑到牀前謂全
曰闇梨可見信來因曰闇梨過世當
生婆羅門家全曰我坐禪積業豈方
生彼弟子云闇梨信道不篤兼外學
未絕雖有福業不能超詣若作一切
會得飯一聖人可成道果耳全於是
設會弟子又曰可以僧伽梨布施若
有須者勿擇長幼及會訖施衣有一
沙彌就全求衣全謂是其弟子全云
吾欲擬奉聖僧那得與汝迴憶前言
不得擇人便以歡施他日見此沙彌問
云先與汝衣者不大耶沙彌曰非徒
不得衣亦有緣事愧不豫會全方悟
先沙彌者聖所化也弟子久乃過世

諸法華經卷第九

華九後

神 十才

過世之時無復餘異唯塚四邊時有
白光全元嘉二十年猶存居在酒泉
右六驗出
冥神也

齊始豐赤城山有釋慧明姓康康居
人祖世避地于東吳止赤城山石室
於是栖心禪誦畢命枯槁後於定中
見一女神自稱老嫗云常加護衛或
時有白猿白鹿白蛇白虎游戲階前
馴伏宛轉不令人畏齊竟陵文宣王
聞風祇挹頻遣三使殷勤敦請乃暫
出山至京師到第文宣敬以師禮少
時辭還山苦留不止於是資終發還
以建武之末卒於山中春秋七十矣
仰尋震旦海曲神州諸山伽藍泉巖
石室有修道人所居聖寺時有行者
咸見非一旦述三五用為實錄餘之
不盡不可備論

法苑珠林卷第九

神 十才

神 十才

屬父老去天台山有聖寺猷往尋之
石橋跨谷青滑難度衡石斷路無由
得達旬宿橋首聞彼行道唱布薩聲便
潔齋自勵忽見衡石澗開猷便前度
具親精舍神僧燒香中食畢謂曰却
後十年自當來此

齊鄴下大莊嚴寺沙門圓通者感一
神僧夏中聽講夏罷自恣就辭去在
竹林寺邀通過之通具問道經來年
尋至在彼山東鄴之西北神僧迎接
具見門開房宇華敞林木森大經宿
周流意言道合便有終焉之思神僧
為語大和上乃不許之及還舊路三
里之外反望莫覩後之往者不知其
處

近鄧州有沙門名道勤者於州北倚
立山巖追訪具見周撫廢廟實為佳
寺眾具皆備但不見人却下重尋便
失歸路乃於道次築室擬尋汾州東
南介山抱腹巖者山居之僧數見沙
門乘空來往又涼州南洪崖窟屈沮渠
蒙遜所造碑寺見存有壞聖僧常自
行道人來便止人去尋行故旁側足

法苑珠林卷第十九
跡納納示現然徒眾不可見之
三十卷高僧傳十五卷高僧傳四十卷及百
家史傳凡聖顯德數十餘僧功殊異迹所歎
或散記諸篇或文繁下
無且列少多不知僧德

法苑珠林卷第十九

甲辰歲高麗國分司藏都監奉
勅彫造

法苑珠林卷第二十

西明寺沙門釋道世撰

致敬篇第九 共有六部

述意部 功能部 普敬部

名號部 會通部 儀式部

述意部第一

原夫上聖垂慈至人利物意欲導四
生於寶所運三有於大車師弟異軌
而同歸法俗殊途而一致所以立像表
貞彝訓常俗寄指筌月出道常規坦
以妄著我人慳慢淪流隨葉漂淪無
思悔革良由對迷累切不識三尊愚慙
頑執罕逢十聖是故命如風燭難可
駐留形同石火豈容長久況復五濁
交侵四蛇常逼而能安忍耽虛幻
故使大聖慈悲通悲通化陶誘行中
要切無過禮懺行道故龍樹十住論
云菩薩晝夜各有三時於此六時禮
拜十方諸佛懺悔勸請隨喜迴向菩
薩來至阿惟越地依此修行速成不
退如念東方善德佛等十方諸佛本
願力故若有眾生於先佛所種諸善

根聞是佛名即能信受便得不退菩
提之心亦由愚識常聞惡聲今忽聞
喚南無佛名欸然驚喜情慮欣泰罪
滅福生故經云敬禮此佛能除百萬
生死重罪或言能除千劫生死重罪
若不依此階級以動凡心則負罪者累
劫受殃但聞佛名無不踊躍我有何
罪不見真容兩淚滂沱一心合掌我
有何善聞佛名號欣喜加敬瞻仰聖
顏愛慕無狀用此悲慶信根日增如
此通情識心無累則於敬禮常加歸
命比見道俗聞唱佛名身雖逐逐心
乃外緣中途踈錯都不省悔無信無
慙於是乎在或有道俗屏處禮拜或身
或沈身心慳慢曾無驚懼不敬之罪
於是轉加或有道俗對眾禮拜千僧萬
俗高聲唱和急度而禮身不逐拜心
不敬思類同點兵但記空名如碓上
下勞多無益上來略疏非無斯咎苟
求名利不存忠敬依信能入發生智
識信既不行能入何寄自下略述五
意並依聖教示其真偽請除妄歸真
功成勞竟也

法苑珠林卷第二十 第三十二 觀 壽
功能部第二

仰惟大覺之慈至極之聖宿祐嘉運
冥感應期聞名致敬則勝業肇於須
臾憑心相化則妙果成於曠劫故五
十三佛聲益微塵之前三千至具光
鑠河沙之後二十五佛功利救苦之
厄娑婆七寶不逮一禮之福雖合掌
之因似賒而樹王之報漸及故知禮
拜稱讚豈虛弃功虔誠呈敬宜益福
利故智度論云若菩薩未入法位遠離
佛法壞諸善根設在煩惱自不能度
安能度人是故不應遠離諸佛譬如
嬰兒不離其母行路不離糧食熟時
不離涼風寒時不離暖火度水不離
堅船病苦不離良醫是故菩薩常不
離佛何以故父母親友人天王等不
能益我度諸苦海唯佛世尊令我出
苦是故常念不離諸佛也
又藥王藥上經云釋迦牟尼佛告大
衆言我昔無數劫時於妙光佛末法
之中出家學道聞五十三佛名聞已
合掌心生歡喜復教他人令得聞持
他人聞已展轉相教乃至三千人此

三千人異口同音稱諸佛名一心敬
禮以是因緣功德力故即得超越無
數億劫生死之罪其初十人者始從
華光佛為首下至毗舍佛於莊嚴劫
得成佛道即過去千佛是也此中千
佛者始從拘樓孫佛為首下至樓至
佛於賢劫中次第成佛後千佛者始
從日光佛為首下至須彌相佛於星
宿劫中當得成佛現在十方諸佛善
德如來等亦得聞是五十三佛名故
於十方世界各得成佛若有善男子
善女人及餘一切衆生得聞是五十
三佛名者是入於百千萬億阿僧祇
劫不墮惡道復有人能聞是五十三
佛名者生生之處常得值遇十方諸
佛若復有人能至心敬禮五十三佛
名者除四重五逆及謗方等經皆悉
清淨以是諸佛本誓願故於念念中
即得除滅如上諸罪 三千佛名在諸佛集
經在賢劫經十佛中
釋迦當第四成佛也
又決定毗尼經云若能至心敬禮三十
五佛其人功德無量無邊
又佛名經云若善男子善女人聞此

二十五佛名至心受持讀誦恭敬禮
拜得離地獄餓鬼畜生三惡道苦得
除瞋恚愚癡滅百劫重罪常生十方
淨佛國土設復有人滿三千大千世
界七寶一百歲中常用布施猶不如
誦持禮拜二十五佛名功德千分不
及一乃至算數譬喻所不能知何以
故以衆生善根微薄不得聞此佛名
若善男子善女人得聞此二十五佛
者非於一佛十佛所種諸善根是
人乃於百千萬佛所種諸善根然後
乃得聞此佛名是人超越四十八劫
在前成佛若復有人不信此二十五
佛名得此功德是人當墮阿鼻地獄滿
足百劫舍利弗若比丘比丘尼優婆
塞優婆夷欲懺悔諸罪當淨洗浴
著新淨衣淨治室內敷好高座安置
尊像懸二十五披幡種種華香供養
誦此二十五佛名日夜六時懺悔滿
二十五日滅四重八重等罪式叉摩
那沙彌沙彌尼亦復如是又文殊問
經讚佛偈云
我禮一切佛
調御無等雙

又六真法身

亦禮於佛塔

生處得道處

法輪涅槃處

行住坐臥處

一切皆悉禮

諸佛不思議

妙法亦如是

能信及果報

亦不可思議

能以此祇夜

讚歎如來者

於千萬億劫

不墮於惡道

又菩薩本行經云正使化無數億計

人成辟支佛有人百歲四事供養功

德甚多不如有人以歡喜心一四句

偈讚歎如來功德無量

又善生經云以四天下寶供養於佛

又以重心讚歎如來是二福德等無

差別

又大悲經云一稱佛名南無佛者以是

善根入涅槃界不可盡也

述曰既知聖教禮佛功德不可思議是

故行者常須作意不得自憚恐無常

忽至瞻禮無處譬鼠入角路窮何趣

是故經中世尊說偈云

命如風中燈

今日復明日

不知滅時節

冥冥從業緣

不知生死輕至

不知生何道

又上生經云若有禮敬彌勒佛者除

却百億生死之罪乃至來世龍華樹

下亦得見佛又云我滅度後四眾八

部聞名禮拜命終往生兜率天中若

有男女犯諸禁戒違眾惡業聞是菩

薩大悲名字五體投地誠心懺悔一

切惡業速得清淨若有歸依彌勒菩

薩當知是人得不退轉彌勒成佛見

佛光明即得受記

又增一阿含經云禮佛有五功德一者

端正

端正

二得好聲

三多饒財

四生處高貴

五生天上

六生金剛三昧經云若有暫聞佛勝智

慧深心隨喜不起誹謗者於百千劫

不墮惡道生處值佛乃至念佛法身

功德無邊

又晉賢觀經云若有晝夜六時禮十

方佛誦大乘經思第一義甚深空法

一彈指須臾百萬億那由他恒河沙

劫生死之罪行此法者真是佛子從

諸佛生十方諸佛及諸菩薩為其和

上是名具足菩薩戒者不須羯磨自然

成就應受一切人天供養

又涅槃經云若於佛法供養一香燈

乃至獻一華則生不動國善守佛僧

物塗塔佛僧地像塔如母指常生歡

喜心亦生不動國此即淨土常嚴不

為三災所動也

晉敬部第三

敬惟法身無相應現十方謂四方四

維上下俗儒所說唯據此洲洲外有

洲古今未說若依內典通窮無際橫豎

十方傍羅異域今佛教中娑婆忍土

萬億日月四重圍輪大千世界名一

佛土此猶據化佛釋迦如來所王之

域故華嚴經云盧舍那佛報身如來

所王之土復過是數盡十方界非凡所

謀故梵網經偈云

我今盧舍那

周匝千華上

一華百億國

各坐菩提樹

如經所云千華千佛即以一葉為一

華故一華千葉千佛現世又如普賢

觀經云毗盧遮那法佛如來所王之上

法苑珠林卷第十

第九

觀

徧一切處其佛任處名常寂光據此明無住之住引凡虛心公其敬仰至理而論安有住處如是十方無量世界諸佛如來無時息化過現未來約凡生滅據化而說若依實教聖化常周功齊法界不可以一域為局不可以三世限論也今且據釋迦一代現化而述故權受胎八相成道利益淺機漸通大教乃至父母諸親俗尊尚禮如來何況下凡而不虔敬也

又佛說十二佛名神呪除障滅罪經云今時世尊告彌勒菩薩言彌勒東方去此佛刹有十不可說諸佛刹億百千微塵等過今許諸刹有一佛土名曰解脫主世界彼世界有一佛名曰

虛空功德清淨微塵等目端正功德相光明華波頭摩瑠璃光寶體香最上香供養訖種種莊嚴頂髻無量無邊日月光明願力莊嚴變化莊嚴法界出生無障礙王如來若善男子善女人犯四重五逆誹謗三寶及犯四波羅夷是人罪重假使如閻浮地

法苑珠林卷第十

第十

觀

變為微塵一一微塵成於一劫是人若有若干劫罪稱是一佛名號檢一拜者悉得滅除況復晝夜受持讀誦憶念不忘者是人功德不可思議而彼佛世界中有菩薩名無比無障礙王如來授彼菩薩記當得成佛號曰耨相日月光明焰寶蓮華堅如金剛身如毗盧遮那無障礙眼圓滿十方放光照一切佛刹相王如來

彼東方復有佛名曰一切莊嚴無垢光如來

南方有佛名曰辯才瓔珞思念如來西方有佛名曰無垢月相王名稱如來

北方有佛名曰華莊嚴作光明如來

東南方有佛名曰作燈明如來

西南方有佛名曰寶上相名稱如來

西北方有佛名曰無畏觀如來

東北方有佛名曰無畏無怯毛孔不

賢名稱如來

下方有佛名曰師子奮迅根如來

上方有佛名曰金光威王相似如來

今時佛告彌勒若有正信善男子善

法苑珠林卷第十

第十

觀

女人稱此十二佛名號之時經於十日當修懺一切諸罪一切眾生所有功德皆隨喜勸請一切諸佛久住於世以諸善根迴向法界是時即得滅一切諸罪得淨一切業障即得具足成就莊嚴一切佛土具足無畏具足身相具足菩薩眷屬圍繞具足無量三昧具足如意佛刹莊嚴行阿耨菩提而得端正可喜果報今時世尊而說偈言

若有善男子

若有善女人

受持此佛名

生生世世中

得他人愛敬

光明威力大

生處為人尊

於後得成佛

又尸迦羅越六向拜經云佛在世時有長者子名尸迦羅越早起洗浴著

衣六方各向四拜佛入王舍城越遙見之佛到家問之何為六向拜此應何

法越言父在時教我不知何應佛言

父教汝禮不以身拜越便長跪言願

佛為我解此六意佛言聽之其有長

者黠人能持四戒不犯者今世為人

所敬後世生天上一不殺生二不偷盜

此為試讀，需要完整PDF請訪問：www.ertongbook.com